

COMREL MELALUI EKSESAIS BUKTI TUDM DEKAT BERSAMA RAKYAT

airforce.mil.my/berita/berita-dari-pangkalan/5595-comrel-melalui-eksesais-bukti-tudm-dekat-bersama-rakyat

BUTTERWORTH, 3 Nov 19 – 150 warga TUDM melibatkan peserta Eksesais Para Drop Air Defence, Insertion, Strike, Search & Rescue and Extraction (Eks PARADISE) Siri 6/19 dan warga Pangkalan Udara Butterworth telah mengembeling tenaga bersama-sama dengan Qariah Masjid Jamek Bagan Lebai Tahir dalam program COMREL (Community Relation).

Program ini dilaksanakan bertujuan berkongsi faedah dan kebaikan dengan memberi sumbangan bakti kepada orang awam menerusi aktiviti bersama penduduk setempat khususnya Qariah masjid. Ianya juga merupakan inisiatif TUDM mendekatkan diri bersama masyarakat. Selain itu, program COMREL juga merupakan sebahagian daripada aktiviti yang telah dirancang dan sentiasa dilaksanakan dalam setiap eksesais-eksesais TUDM khususnya dan ATM amnya.

Program sehari ini melibatkan aktiviti membersihkan seluruh kawasan masjid dan juga tanah perkuburan secara bergotong-royong. Lt Kol Nazlan Shah bin Zainal TUDM mewakili peserta eksesais menyampaikan sumbangan barangan peralatan yang diperlukan oleh pihak masjid seperti 'vacum', 'water jet pump' dan peralatan-peralatan pembersihan.



